

*Diasabra dia 26 di december den Club Caiquetio..*

# 25 AÑA DI FESTIVAL DI DANDE LO BAY TA UNO GRANDIOSO..

Fotos/texto:Poets

## DEN AMBIENTE

\*\* Diasabra awor dia 26 di december Aruba lo bay celebra engrande e di 25 aña di Festival di Dande, cual lo bay tuma lugar den Club Caiquetio. E di 25 edicion di festival di Dande a toca honor na Fanny Ras pa e festival aki ser dedica na su persona. Un persona cu a aporta engrande pa mantene e musica di Dande y cu sigur merece e reconocimiento aki.

E festival aki lo bay conta cu participacion di 50 cantante di Dande, 16 propio composicion nobo, nuebe dama lo competi pa Reina di Dande y tambe lo tin

competencia di REY DI REY.

E gruponan cu lo bay participa ta como lo siguiente: Buchi y su grupo, Tipico Gaudirikiri, Grupo Ahichi, Tipico Arubano, Tipico del Campo, Grupo juvenil di Oslin Trimon, Tony y su grupo, Tipico Biba Lekker, Grupo Catashi, Tipico Los Amigos, Hospital y su grupo, Tipico Futuro, T i p i c o Landslaboratorium, Tipico Los Hermanos, Tipico juvenil Savaneta, Tipico Los Campesinos, Grupo di Betico, Formacion Twins, Tipico Poco Loco, Tipico



**\*\* Diasabra awor e dos bunita coronanan aki lo bay haya nan Reina y Rey di Dande..**

Pegasaya y Tipico Placentero Ritmo y Cuerde.

DEN AMBIENTE ta

spera cu e festival di Dande lo conta cu asistencia grandi, pa asina celebra engrande e di 25

aña di festival di Dande y ta desea tur e participan-  
tenan HOPI EXITO...

*Relaciona cu e 25-aña di celebracion di Dande..*

## RECONOCIMIENTO PA NOS ARTISTANAN TIPICO Y DANDE....



**\*\* Aki por aprecia tur e feliz premiadonan..**

\*\* Dialuna anochi a tuma lugar den Club di Trappers un grandioso celebracion relaciona cu e 25 aña festival di Dande organiza pa Harry Croes. Durante e anochi di celebracion aki tabatin presencia di varios mandatarionan y comerciantenan cu durante e 25 aña a sa di contribui engrande na Aruba su folklore.

Tabata un anochi di gran estimulo pa nos artistanan local, kendenan a ricibi nan reconocimiento pa e produccionnan cu mas a destaca durante e 25 aña di festival di Dande. Mester menciona cu e directiva completo di ASOMA tabata presente y nan tambe a

duna nan reconocimiento na e 25 aña di festival y alaves a honra Harry Croes como miembro honorario di ASOMA.

Esnan cu a haya e pin di Oro den un forma di wiri: Shon Lang v/d Linden, Ming Maduro, Pascual Kelly y Tony Werleman. Plaquette di merito: Edwin Hernandez, Pedro Kelly, Sra. Titi Tromp y Edwin Tromp di First National Bank kende pa añanan a contribui na e festival di Dande.

CD mas bendi: Paranda Arubano di Grupo di Betico cu mas cu 11 mil di venta. CANCION mas grandi Tipico: Soppie Bulado di Placentero

Ritmo y Cuerde. CANCIONNAN mas exitoso y popular: Arubiano, Polin tin shete buraco y Sta. Cruz, di cual tur e tresnan aki ta di Vicente Kelly.

COMPOSITOR MAS GRANDI: Robert Maduro cu 164 cancion, di cual pa e aña aki so Robert Maduro tir: 30 cancion. Den e 164 composicionnan aki, esun mas sobresaliente a resulta "Señor Manda bo Bendicion".

COMPOSITOR MAS HOBEN: Edseline Figaroa di 17 aña cu un total di 49 composicion. Pa sera e anochi briyante aki, Vicente Kelly a interpreta varios di su exitoso

DEN AMBIENTE TA DESEA HENTER E DUSHI CULTO PUEBLO DI ARUBA UN FELIZ DIA DI PASCO...



**\*\* Edseline Figaroa ricibiendo su premio como compositor mas hoben for Sr. Arends di Ceaser Pizza..**



**\*\* Di e forma aki Vicente Kelly y su estreynan a clausura e anochi grandi aki cu un tremendo Dande..**

cancionnan, cual anochi a clausura den un broche de oro cu un tremendo DANDE...